

易

經

如

話

易經如話卷之五

汪烜

象上傳

天行健君子以自強不息

此大象傳孔子所以釋伏羲六畫兩體命名之義而又以一事

配言之以見君子體易之用也

古本大小象傳亦自成卷賈氏乃析而分附之各卦及六爻之

下乾之象天天非有兩而重卦內外皆乾仍名之以乾者以天

行之至健今日一周而明日復一周則似有重複之意也人之

德性全乎天則亦本健而不息而或間以形氣之私則此生理

不相接續而失其所以生矣君子體天行之健而以理自強不

使人欲之私間之以至於有息焉所以自全其得天之生理也
潛龍勿用陽在下也

此以下小象傳孔子所以釋周公繫六爻之辭之義也初九龍
德而勿用者以初陽方潛而在下則无位无時未可以施用故
也

見龍在田德施普也

九二方在田而遂爲利見之大人者以龍德既見則德化之施
爲已普也

終日乾乾反復道也

九三之所以終日乾乾者以居下之上則有其位之所當自盡

故反復爲踐行之此所以乾乾也

俗解頗不可通

或躍在淵進无咎也

九四將躍矣而猶在淵者進退之際必審慎之而後可進而无咎故或之也

飛龍在天大人造也

九五飛龍在天所以爲天下所利見之大人者以有大人之德而作起在人君之位故爲天下所利見也

亢龍有悔盈不可久也

上九亦龍德而亢則有悔者以滿盈之地不可以久居故有悔也

用九天德不可爲首也

乾用九而不用七者陽剛爲天德然天道順而有恒所以變化不測人苟以陽剛爲物先則非天之道而剛過必折矣是以不可爲首必如乾之六爻皆變而後獲吉也

右乾卦

地勢坤君子以厚德載物

孔子復以兩象六畫釋伏羲之意坤之象地地亦非有兩而重

卦內外皆坤仍名之以坤者以地勢之高下相因而至順自下而高復由高而下則似有重複之意也地以順而見厚載華嶽而不重振河海而不洩之意人之質氣輕淺浮薄則必忿戾而不能容物故必涵蓄其德使之安靜深固則能和順敦厚而量无不容厚德載物是取法於地勢之順亦安貞之意也履霜堅冰陰始凝也馴致其道至堅冰也

孔子釋周公爻辭言初六爲履霜之象者陰氣之始凝而已

始

者六方在初也

然陰既已凝矣馴習之而不覺則致其陰凝之道必日

盛而至於堅冰也及始凝而遂惕然知警庶可得預防之道乎

六二之動直以方也不習无不利地道光也

非中則內有不直非正則外有不方以六二之柔順中正而動

而應事

動即此爻之動

則是能本乎內之直者以達之外而无不方也

直又方之本故曰直以方

夫直方而且大者地之道也

柔靜順承地之直則方有常地之方德合

无疆地之大也

六二直方大則不習而无不利以其全盡地道故所行

之光如此也

光如化光之光

含章可貞以時發也或從王事知光大也

含章而可貞者有其章美則可以時而發之不終含也

此得重章字不

重含字

發之以或從王事智足以知臣道之宜故不矜己能不伐

己功是其智之光大也

或從王事一從字便包得无成二字凡人之忘分自忽於能伐功者是皆其機

智之卑暗狹小耳智光大則此得无可自用自事矣

括囊无咎慎不害也

六四不足有爲以括囊而得无咎者以其能慎故不害也

此特表一

慎字固未疑位六居之則能愈加慎矣

括囊卽其慎也

黃裳元吉文在中也

黃裳者非徒外飾也中順之德積於中文在中而著於外故元

吉也

龍戰於野其道窮也

陰何至與陽戰而致龍之戰於野則由辨之不早防之不預馴致其道至於窮極而兩傷也

用六永貞以大終也

永遠守正非陰小之質所能然正道自在人心氣質可以變化果其能變化氣質而以剛自勝以健篤行如筮得坤卦之六爻皆變用六而不用八焉

此變他氣質須要變化得盡有一毫未盡便是病痛

則能永遠守

正是雖以小始而能以大終不至爲柔靡之小人以終身也

謂小

陰大

謂陰

右坤卦

雲雷屯君子以經綸

孔子釋伏巽意謂坎在上爲雲雲作於上而未下震在下爲雷
雷奮於下而未上屯塞未通之意故其卦爲屯君子觀屯之象
謂天下之事本各有條理條理不紊而後可相通故事事爲之
經以引之則各得其分矣復使之綸以理之則各通其情矣是
所以治屯雖而使之通也

經者君君臣臣父父子子之綱也父子有親君臣有義。此以一事配象有

兩樣法一是體其象而效之如自強不息之類一是因其象而治之如以經綸之類

雖磐桓志行正也以貴下賤大得民也

磐桓有觀觀之意然初九剛正雖其磐桓而欲進未果其志則

在於行正故正未可行則能居正也剛正能動其才其德皆足貴矣以貴而居賤之下蓋其心欲然是有以大得民心之歸而

利建爲侯也

其居正處亦便是能下賤處

六二之難乘剛也十年乃字反常也

六二之難以乘初之剛故難也然終於十年乃字者守之十年

之久則終於復其常道也

言反常者見終字於五不浮於初如三仁之終爲殷有文天祥之終爲宋

臣也

卽鹿无虞以從禽也君子舍之往吝窮也

卽鹿无虞此豈有濟時之志哉亦貪利而動以從禽耳見幾之

君子則當舍之而已若貪利必往則必取羞而致入林之窮也
求而往明也

六四非能有往也求初九之應而能有所往以其有擇主之明

也

馬援良禽擇木而棲之意

屯其膏施未光也

屯之九五屯其膏者非故不施也施不及遠未能光大也

泣血漣如何可長也

處屯之極而无才德足以自振徒爲泣血漣如則何可長也

右屯卦

山下出泉蒙君子以果行育德

坎下艮上坎水在山下是山下出泉方其下險上阻蒙昧未開之境也故其卦爲蒙顧山下出泉則靜而且清其出有本而其流不窮矣故君子體蒙之象則勇以果決其行亦如泉之混混不舍以期於放海焉靜以養育其德亦如泉之盈科後進以漸而後至焉此體蒙之功也

見爲道而行之曰行能行道而有得於心曰德卦柔以教人言大衆以自

修言

利用刑人以正法也

刑人非君子所欲而發蒙之初則利用刑人者法必嚴於始而

後人知所遵用刑人以正法而已非一於桎梏也

正法實包得
不以往意

子克家剛柔接也

九二包蒙而周公又言子克家者以五之柔應二之剛剛柔相

接而九二克承上事故也

包蒙之象易見故孔
子特申子克家之義

勿用取女行不順也

三爲勿用取之女者以其行之動於不中正而不能知所慎也

困蒙之吝獨遠實也

時位之遠固无如何而有志自修則求師亦豈特地所能限困

蒙之所以致吝亦由其不知求賢而獨遠於九二也

蒙傳意貴
其不末

童蒙之吉順以巽也

童蒙之所以爲吉者以六五柔順虛懷以誠聽於賢而深納其

誨也

此童蒙有純一未漓之意非徒暗昧不開之意故得之曰順以巽順以巽正童蒙之謂也巽不只是順有能深入意

利用禦寇上下順也

剛不可過而惟禦寇則利用剛蓋禦寇以剛則施之者當而受

之者亦畏而安之上下皆順而非過也

禦寇亦以艮止取象

右蒙卦

雲上於天需君子以飲食宴樂

坎在上爲雲而雨則雲之爲也雲上於天則需時而雨矣凡事

有安其故常以須之而自至者何以異是故其卦名需

需者漸
次能濟

之義伏義名卦
本意蓋只如此

君子觀需之象則於事之當需而无庸私意作

爲者惟是爲所當爲而飲食宴樂以待之必不以效之未至而
妄有作爲也是體需之象也

需於郊不犯難行也利用恒无咎未失常也

方在郊而需者不肯犯難以急於行也

只是不有且意
不是全不犯手

然需而

不恒則亦終不免咎矣故利用恒則无咎以未失其於郊之常
也

需於沙衍在中也雖小有言以吉終也

於沙固近險然於沙而需則寬衍以在中不躁進也是以雖小有言而能以吉終矣

需於泥災在外也自我致寇敬慎不敗也

於泥而需災患已在目前矣災雖自外而寇實自我之過剛不

中致之苟其能敬慎於事先則可以不敗矣

敬慎便是能需。此擴贊功名而急。

視天下之事爲无難者

需於血順以聽也

六四之才非能出穴者然於穴而需則順時以聽柔不失正故能出也

酒食貞吉以中正也

酒食貞吉酒食卽其貞也謂其有中正之德故治效需之而已
所以爲吉也

不速之客來敬之終吉雖不當位未大失也

不速之客來似處險而更事出意外矣然敬之終吉者雖險極
非陰柔所能堪爲不當位而能敬順於陽則未大失其能需之

道也

此不當位二字本當闕疑
惟此解似於需客有可通

右需卦

天與水遠行訟君子以作事謀始

天體上行水體下行天自東而西水流多自西而東是天與水
其行相違爭訟之象也人之有訟也亦以所行相違故耳故其

卦名訟

此殆伏義本意

君子觀違行之象以爲凡事有後至於爭者皆

始之不愼致之故作事必謀之於始所慮其所終始之既愼不

開後以可爭之憂則訟端絕矣

此就在下者言息訟之道非在上者使民无訟之原也

不永所事訟不可長也雖小有言其辯明也

初之不永所事固以其勢不敵之故然爭訟本非可長永之事
也故始雖不免小有辯言而事初易息其辯以自明而遂止也

不克訟歸而逋也自下訟上患至掇也

二以不克訟之故是以歸而逋竄也其所以不克而逋者以其

自下而訟上則災患其所自掇也

爻辭要其終象傳罪其始亦作事謀始意也以不克訟而

逋此已便是自取之患而既逋則自包得无咎也

食舊德從上吉也

食舊德者言一於卑約自守惟是聽從於上乃可以終吉也

總釋

通爻之辭

復即命淪安貞不失也

四能訟者也而後即命是淪而安於貞无終訟之失矣故吉也

訟元吉以中正也

訟而得元吉者以大人之中正則心无所偏私而斷事皆合於

正理也 亦以聽訟之善言耳

以訟受服亦不足敬也

以克訟為榮則雖受服亦已不足敬矣况三視乎 翻進一層說道理

右訟卦

地中有水師君子以容民畜眾

地中有水 凡坤地之下皆不言下而言中隨在掘之地中无處非水 水之伏於地中猶兵

之寓於農民也 國中作六軍則五家為比五比為閭四閭為族五族為黨五黨為州五州為鄉鄉合一萬二千

五百家而為一軍郊外用邱甸則入家為井四井為邑四邑為邱四邱為甸甸出車一乘皆寓兵於農也 君子體師

之象以爲非地无以容水非君无以容民地容水而水卽爲地
用君容民而民卽爲君用容之則吾民用之則吾衆矣是以制
產以厚其生薄歛以阜其財時使以恤其力凡所以容保其民
者无所不至則民心歸之无或不爲我用者是容保其民卽所
以畜聚其衆正地中有水之象也

師出以律失律凶也

出師之初師行卽所當嚴苟失律則否臧而凶師不可不慎也
在師中吉承天寵也王三錫命懷萬邦也

二之在師中吉固二之才德足以戡任亦以承天之寵故得以

有爲也王之三錫命豈所以私二亦以得人而用之庶克定禍

亂以安懷萬邦也

卦分說象
傳互說

師或輿尸大无功也

師期於有功不能克敵則无功矣况或致輿尸是大无功也

左次无咎未失常也

見可而進知難而退行師之常故左次可无咎以其未失常也

長子帥師以中行也弟子輿尸使不當也

長子帥師長子固以剛中之德行也若弟子輿尸則人君任使

之不當也

見輿尸非九二之咎
而使弟子者之咎也

大君有命以正功也小人勿用必亂邦也

師行有功則不可不因其功之大小以封錫之大君有命所以正其功之大小也戡定之後宜修文德則小人雖有功而勿用以用小人必致亂邦所以爲後世慮深遠也

象傳推所以然一附

右師卦

地上有水比先王以建萬國親諸侯

地上有水水比於地不容有間者也君比於民亦猶是矣故其卦名比昔先王體比之象謂天下皆吾一體而天下之廣兆民之眾非一人之德意所能徧及是以分建萬國使之各君其國

各子其民則與民近而情意易孚而又制爲朝覲聘問之禮以與諸侯相親時而省其方焉時而述其治焉則天下之民情庶政之利弊无不有以周知而民隱以達於上上德以宣於下血脉流通天下聯爲一體矣是先王所以比於民而无間之道也比之初六有他吉也

方比之初六則柔順而无私故率最初一念以比人自終來有他吉也

比之自內不自失也

外比之於君稍有柔媚之私則自失矣六二本己之中正以比

之則是得其正而不自失也

不自失
即貞字

比之匪人不亦傷乎

所比者匪人是以德則敗德以功則喪功而已不亦傷乎

外比於賢以從上也

六五剛中賢君也而六四外比於賢是能盡忠順以從上之道

以相成其德業是亦為得其正也

從上即
四之貞

顯比之吉位正中也舍逆取順失前禽也邑人不誡上使中也

顯比之吉以其處中位有正中之德也

位正中言位實言德終
言位乎天德也顯比之

吉一句音
統舉爻辭

以其逆則舍之順則受之是以失前禽而不問也其

邑人亦不誠者由上之德化有以使之中故皆无求必之私也

總一

顯比

比之无首无所終也

上比之終也上六无德足以比人則雖居上而无所終矣

右比卦

風行天上小畜君子以懿文德

上巽下乾風行於天上

風亦只在天下但以其行於至高之所故言天上凡此皆指天也

有氣

无質能畜物而不能久曰小畜

此殆伏義太意

君子體小畜之象則懿

美其揖讓周旋語言應對之文德此亦動人於一時而未可語

於厚積遠施之大節然亦君子淑身之所不可不檢者也

復自道其義吉也

初九之復於上行也能復自道焉則不爲小所畜矣其義吉也
牽復在中亦不自失也

九二之牽連而復者以其剛而在中則能審所從而亦不自失
於小人也

初二皆言復者以乾陽本在上故以上行爲復
非以還而不進爲復也不能進則是爲所畜矣

夫妻反目不能正室也

妻何敢與夫爭而至於反目由始之說其柔而漸爲所畜不復
能制之故是不能正其室也

推所以反目之原也言
夫妻而君子小人可知

有孚惕出上合志也

畜乾之剛非一陰所能以其有孚故能惕出以上之二陽與之合志也

有孚輿如不獨富也

巽之能畜乾實以其有孚輿如君臣同心不獨恃富強之力也

又兼言勢位而
象傳巽重有孚

既雨既處德積載也君子征凶有所疑也

君子小人非臭味也而既雨既處者由始之倚其柔德以載之而至積滿也至此則君子征凶矣處則不安欲行其志則不可

行有所疑也

道卷廿六
始之辭

右小畜卦

上天下澤履君子以辯上下定民志

上天下澤天至高而澤至卑

澤又更下於地

定分然矣天地之間凡先

後長幼尊卑貴賤各有天秩之定分爲人所當踐履而自安者

故其卦名履

始伏義名
卦本義

君子觀履之象以爲上下之分不辯則

民之志不定必至於嗜慾日以縱肆服用日以奢麗營求日以
奔競氣習日以驕陵此大亂之道也故必定爲經制使之貴賤
有等祿予有秩服用有制而名以命之器以別之數以紀之所

以辯上下之分也上下之分既明則民知各循其分而不爲奔競器陵之習无縱肆奢麗之風率其所當然而民志定矣是所以體天澤之象也

素履之往獨行願也

率其素履之往而能不變則是无慕於外无動於中而獨符其

所願者也

所願謂所志也

幽人貞吉中不自亂也

得幽人之貞而吉者剛中之德不以有慕於外而自亂也

人不亂

誰得而

亂之

眇能視不足以有明也跛能履不足以與行也噬人之凶位不當也武人爲於大君志剛也

眇而自以爲能視則人雖欲導之而亦不足以有明也跛而自

以爲能履則人雖欲輔之而亦不足以與行也

此兩能字之害

所以致

噬人之凶者以其以柔居剛而在下卦之上以履乾其位不當

也

言三非六所宜居也

武人豈可爲大君者而爲於大君謂其志之剛而

妄作力爭也

爻多以所居之位爲所志之致。只一氣下

愬愬終吉志行也

愬愬而得終吉以知所戒懼則其志得行也

行謂進而有爲

夬履貞厲位正當也

夬履則雖貞亦厲以自恃其位之正當故也

元吉在上大有慶也

凡善者吉之道若元吉而在上見之則是自始至終皆周旋无

缺矣是宜其大有福慶也

元吉者有得吉之道
大有慶則吉之報也

右履卦

天地交泰后以財成天地之道輔相天地之宜以左右民

天地以氣相交此卦之所以名泰也然泰運自天地開之而亦

待聖人爲贊助之蓋天地之氣化不无大過

如夏之盛暑冬之
嚴寒雨晦爲雷

或為燥之類皆是不止是
四時之未分方土之无別 后則為因其道而裁成之使雖過而

不害也

裁成如常暑有絳管禦寒以裘襦水旱各有所備及歲
大用要供火飲湯之類皆是不止是立四氣定四方明

王帝諸事然諸
事亦其大者

天地之宜不无不及

如萬物有生而不能使各
遂其生凡人有性而不能

使各盡其性地利有宜而
不能使各適其宜皆是

后則為因其宜而哺相之有以補其

不及也

輔相即制匠產以遂民生立學校以復民
性為之制度品節以盡物宜之類皆是

凡此皆所以

左右斯民而體天地生物之心以贊助天地而開天下萬世之

泰運者也

授者征吉志在外也

拔茅則進者非一人矣其征而吉者天下有道其志皆出而有

爲於天下也

包荒得尙於中行以光大也

凡人智暗則以察爲明量小則不能物容務小而遺大溺近而

忽遠有所偏也九二能包荒

以剛中而包荒則是居敬而行以簡舉包荒可兼下三條之事矣

得尙於中行

言所行合於中道也

以其剛中則智識光明而規模遠大也

无往不復天地際也

氣化盛衰无往不復此以九三處乾坤交際之會陽往陰後之

幾言也而人事挽救之力不容不盡矣

翩翩不富皆失實也不戒以孚中心願也

翩翩然來不待富強者以三陰而在上在外則皆失其實所不

肯安也故不戒以孚其翩翩然來皆其中心之所願也

只如象傳內若

子外小人以內外取象小人既遭斥逐未有不伺間乘隙以謀復進者宋哲宗之世是矣

以祉元吉中以行願也

六五之能以祉元吉以其有柔中之德以行其任賢保治之願

也

惟其中故任賢其所願而非勉強也

城復於隍其命亂也

城之所以復於隍者以其政令皆紊亂而莫或治之之故也及

早圖之夫豈及此乎

隍者城外溝也初掘濬土以成城久而不治則城壞而土石復墮於隍。此爻只

黃時地言不切上六爻德取
義然亦猶有望治之意焉

右泰卦

天地不交否君子以儉德辟難不可榮以祿

天地之氣不交此卦之所以名否也

林次崖謂天地交泰交字不當讀斷然則天地不交

否不交字亦不當讀斷然則天地不交

君子當否之時宜收斂其德與時偕晦而當

世不可榮之以爵祿焉是則處否而不自失之道也

拔茅貞吉志在君也

初六陰類未必貞也其拔茅連茹而果能貞則固吉之道以其

志在愛君而非志於私己也欲進者其果能然乎

大人否亨不亂羣也

大人以否而亨者不以小人包承而遂亂於小人之羣也以不自安則道亨矣幸人之承己則亂羣矣

王莽常謙恭下士時士之失身於莽者多矣

包羞位不當也

小人之勢方盛害正之念之萌久矣然包羞而未發者則所以居之位不當而未能大肆其奸也

有命无咎志行也

轉否爲泰陽之志也能有以承天之命而无咎則其志得行矣

志行以效言在
无咎後一層

大人之吉位正當也

大人之能休否而吉者以其以德居位正當其位故能休否也
否終則傾何可長也

上有傾否之喜亦以否終則必傾終猶極也何可長於否也蓋天時

人事有交相濟者矣

右否卦

天與火同人君子以類族辨物

天在上火炎上天與火之性同也人之性亦形氣有分而實无
不同者故卦名同人君子體同人之象以爲族類不辨則相素

相雜而天无以得其大同

如天與火同地與水比若地火與水則訟矣

是以於人

族則爲之類之

如士則聚於學校農則居於隴畝工賈則聚於市廛府吏胥徒居於官府及同姓從宗合族屬

異姓主名治際會之類皆是

於物類則爲之辨之

如豕犬曰牝毛曰邱陵陂池澤介於城術及馬可

乘兩乘之牛可服而服之器用百物皆有疆別之類皆是

別其異所以致其同得其同則知

所大同矣

盡人之性盡物之性則知性之同出於天矣

是君子大同之道也

出門同人又誰咎也

率剛明之體以出門而同人非有私繫又誰得而咎之

爻居於門以在

初言傳言出門率其所以往之意也

出於門則上之四陽皆其所大同矣

同人於宗吝道也

同人而僅於宗所同私而狹矣是吝道也

於道爲吝也

伏戎於莽敵剛也三歲不興安行也

三之伏戎於莽欲奪五之所應而敵五也

剛字指五言言剛取叶韻耳

此雖

至三歲亦不興矣求所妄求安可行也

乘其墉義弗克也其吉則困而反則也

既乘其墉矣豈必力不能克求非所求於義固弗克也亦已過舉矣其得吉者則以其困於義之所不得爲而反以自安於測也

同人之先以中直也大師相遇言相克也

同人之先雖未得同然中正以求中正其中之理本直也顧必用大師而後相遇也者言必力求以相克乃可遇其所當同也
同人於郊志未得也

同人以有與同爲得志今同人於郊是孤立无與志未得也
有孤
隨寡則獨行
无助之歎

右同人卦

火在天上大有君子以遏惡揚善順天休命

火在天上光无不照天下萬物皆其所有也故卦名大有君子
念所有既大而无以治之則氣化之流不无有偏而萌孽生善

惡雜且有拂乎天理之本然者矣是以惡本天理所无也則於其方萌而遂遏之以无使滋蔓善本天理之本然也則凡有一

善必爲揚之以鼓舞相勸

說曰遏惡便是天討有罪之理既曰揚善便是天命有德之理但遏字揚

字有不使陷於惡而自勵於善者神化之用存焉耳順天理便是行所无事林次進謂此不是奉行天命悖庸命計之意亦不是順全在人之天命只是因性之本然而行所无事意豈悖庸命計不是因人性之本然乎愚不知其何說也凡皆以

順天之休命而已別其善惡火之明也遏之揚之天之健也反身自治亦若此耳此君子之所以治大有也

大有初九无交害也

方大有之初而以初九處之剛正无私固无交害者也

目見有
慎終意

大車以載積中不敗也

九二承六五之應而出以有爲其爲大車以載者以其有剛中之德則可以委任重載積於其中而不至有毀敗之咎也

公用亨於天子小人害也

公不私有其有故用亨於天子若小人自私其有則天子愾之

其所有適其害也

害即初爻交害之害。玩本義亨字兼亨字。獻於天子而天子燕享之言但意重亨獻

匪其彭无咎明辨晬也

四之所處亦盛滿矣能匪其彭而得无咎蓋其明有以辨晬於

君臣之分而識盈虧損益之常故也

四處離體有其明也

厥孚交如信以發志也威如之吉易而无備也

六五之厥孚交如謂其虛己任賢之誠已足以感發天下之志
意故上下交孚也然必戒以威如之吉者則以六五柔中威固
其所不足將使人慢易之而无畏備之意也人君使人无畏則
亦或生其覲覲矣

大有上吉自天祐也

處大有之上滿而溢之時也而能得吉者以其履信思順尚賢
故自天祐之也履信思順尚賢皆天之道順天之道則天祐之
矣

右大有卦

地中有山謙君子以裒多益寡稱物平施

山高地卑而地中有山是蘊其高以至卑人不自見其高亦猶是也故其卦名謙君子體天地好謙惡益之意是以於滿盈自多者則裒而損之於自安寡小者則盈而增之裒多以益寡所以稱物之宜而平其施是亦體不欲處盈之意也

傳意則象傳次傳意此不

是自謙之說也本義曰云亦謙之意可見不是自謙矣解者強作自謙解於稱物平施句殊解不去

謙謙君子卑以自牧也

所謙謂謙而又謙之君子者安於卑下之分而和順以自牧不

使有一念之肆也

自牧如牧牛羊焉時時看守不使他一個走作

鳴謙貞吉中心得也

二之鳴謙貞吉豈僞飾所能得哉由其中中心之念念不敢縱逸而安然以出之故謙極有聞也

勞謙君子萬民服也

有勞而謙之君子不自有其勞也然不矜而天下莫與爭能不伐而天下莫與爭功萬民誰不服之是君子之有終而吉也
无不利撝謙不違則也

四既可无不利矣而又必發撝其謙者處有功之上是正宜益

示其不敢自安之意非過謙而違則也

謙亦有則視其所處何如若違則則窮而巳矣

偽則已矣
非偽謙也

利用侵伐征不服也

六五柔而謙下之君豈好兵者而言利用侵伐以柔順之君如

是而猶或有不服則利用征之以正其罪也

孔子又恐人輕言
兵故言此其得

也

鳴謙志未得也可用行師征邑國也

上六雖謙極有聞然才力未足則未能大行其志也其可用行

師者亦惟正己之邑國而已

謙除卦體皆累與師
卦同故皆言行師

右謙卦

雷出地奮豫先王以作樂崇德殷薦之上帝以配祖考

雷出於地奮振有聲生氣之和於是乎宣天地生物之心於是乎暢而萬物之情萬民之心亦无不感而和樂焉故其卦名豫先王象雷出地奮之聲體和氣宣遠之義以作樂以率主氣之和而宣人心之懋則歌以象功舞以象德而天地之和著焉人心之德章焉是作樂以崇德也

崇德口只是章德之意

樂之用廣矣而用樂

之盛則莫如大祭先王卽以此崇德者殷薦之上帝以郊以粢

周禮樂土八變於國卽之上天神可得而禮月令大雩帝用盛樂皆是

薦之宗廟以配祖考以禘以

嘗

謂儀事也樂以美其先德之形容故言配不必泥郊以稷配明堂以文王配說

治神人而和上下豫

之大者也

體天地之豫以作樂復即樂以感天地人心之豫。豫者麗之本也豫者樂之本也

初六鳴豫志窮凶也

凡人之志宜自立有爲而初六倚九四之應以自鳴其豫是其

志已滿盈而溢矣所以凶也

君子聽之

不終日貞吉以中正也

不肯有終日之宴安是以貞吉以其柔順中正故能有守而知

幾也

盱豫有悔位不當也

三盱九四以爲豫而終至有悔以其位之不中不正而與四比

也

謂其非能速悔之人也

由豫大有得志大行也

九四爲天下之所由以豫而大有得矣則是因事勢順人心其

志益得以大行於天下也

此志大行當設在山豫之後震陽動作有爲不只一成卦便了也

六五貞疾乘剛也恒不死中未亡也

六五柔中而貞疾者以乘九四之剛也然而恒不死者則以其

處中賴先王之遺澤而位號未亡也

冥豫在上何可長也

以昏冥於豫者而在上此何可以久長也

物終則變然上六未必能變之人也

右豫卦

澤中有雷隨君子以嚮晦入宴息

雷者天地之陽所以動而生物也而澤中有雷則隨時休息蓋動而不靜則无以相繼藏於靜不固則用於動无力君子體隨之義是以旦晝固乾乾不怠而嚮晦則入而宴息所以養之於靜而裕動用之本也亦隨時之義也

官有渝從正吉也出門交有功不失也

陽動於內官有渝矣然動以從正斯无不言也又必出門交而

後有功者一己之見不敢信爲必然必廣資於人而後所從之
正可无失也

係小子弗兼與也

人之所隨常擇於一二係小子矣則弗能兼與五故失丈夫

也言隨不
可苟也

係丈夫志舍下也

六三之係丈夫動於勢利則其志固已決於舍下矣

隨有獲其義凶也有孚在道明功也

大臣而隨有獲雖不必凶然而其義凶也惟其有孚在道則不

以權位之盛爲嫌此明於大義之功也

此又正伊尹
周公之事

孚於嘉吉位正中也

九五能孚於嘉而得吉者以其居位有正中之德也

拘係之上窮也

誠之至至如拘繫之以其居隨之極也

右隨卦

山下有風蠱君子以振民育德

山下有風則山上之物无不蠱壞

青囊家有所謂地風者能吹
所葬之棺至於傾翻或且水

葉皆吹入穴中者是誠有然蓋山脈有受風之處山體雖實而
其土質有疏鬆之處則風能入之晉伯宗所謂山有朽壤亦此

之類也 人事積弊而不治亦猶是矣故其卦名蠱君子監蠱之象以爲風俗之壞由循習苟安而在上者无以振興之故也必時圖有所以振起其民而毋使之怠焉欲興民行必本諸身身之不德无以新民也必自爲涵育其德使日新又新而立化民之表焉則君子所以治蠱之道也

幹父之蠱意承考也

幹父之蠱似異於前人所行然前人之意豈欲蠱者亦苟安而失之耳蓋前之愆使復於无過其意正曲體親心而承考之志也

幹母之蠱得中道也

九二剛中巽體故能幹母之蠱以其得中道也若過剛則或有

傷矣

釋不可貞之義

幹父之蠱終无咎也

三雖行事過於剛然所以幹父之蠱則雖小悔而終无咎也

裕父之蠱往未得也

四不能剛以幹蠱而反裕父之蠱率是以往夫亦安得有濟也

幹父用譽承以德也

六五所以能幹父之蠱而用以致譽者以下應九二之剛二實

承之以德也不自用而能用則亦六五之賢也

不事王侯志可則也

上九以身本在事外而不事王侯蓋有其度時之智自守之貞故能高尚其事如此其志之无慕於外是亦所可則也

不必遇作舊計

右巽卦

澤上有地臨君子以教思无窮容保民无疆

澤上有地地臨於澤是居上臨下也故卦名臨君子念臨民之道教養二端而已民質不齊偶教之不聽而遂謂民愚民生甚艱偶煦煦言仁而遂謂已足非所以教之養之也體兌澤之深

以深吾教思以身道之以禮齊之勞來匡直以輔翼之而又從
而振德之而學校非具文雖无一人不化於善而吾之教慰猶
不能自己焉則兌澤之深與无窮矣體坤地之大以大吾容保
因利而利之制產以均之省刑薄斂以優游之而又教之食時
用禮以撙節之而實德非小惠雖无一夫不被其澤而吾之容
保之者猶視若有傷則坤地之大與无疆矣是君子臨民之道
也

咸臨貞吉志行正也

初與二咸臨四陰爲得正而吉者其志將以大亨其正道也

咸臨吉无不利未順命也

剛浸長矣然必咸臨而後吉无不利者以四陰方盛固未肯遽

順命也

此亦尙是強解
宜姑闕之爲是

甘臨位不當也既憂之咎不長也

三以甘臨下者以柔處剛不當其位則无以臨民故也然既能

憂之則其咎亦不長矣

非能无咎但已有
咎而咎不長耳

至臨无咎位當也

至心求賢而得无咎以其居位之當也

當謂柔正亦以
見其非竊位者

大君之宜行中之謂也

九五得大君之宜者蓋以大君撫天下豈能事事徧知而每人而說之是以用人則裕自用則小知人善任正人君之中道九五之知臨亦行中之謂也

敦臨之吉志在內也

上六所以爲敦臨而得吉者以其仁厚之志念念民生故澤之所施亦積而深厚也

知臨知也敦臨仁也臨民之道知仁盡之矣內字當下字看就卦體言則曰內亦以

叶上諸字韻耳或以內字指下二陽言非也上六與二陽非應非比无遠臨之義

右臨卦

風行地上觀先王以省方觀民設教

風行地上物无不被上之爲法於民者亦猶是也故其卦名觀
先王體卦之象於是時巡天下以省下方而觀其俗而卽因民
之俗以設施其教化或因而導之或逆而制之或寬爲涵之或
默爲奪之要期有以深入於民心而化民於不覺是亦猶風之
行地也

象傳以木於君心言象傳以四乎民俗
言要之君民有同得之理因无不合也

初六童觀小人道也

初六童觀不能見遠小人之道固不足多求也而豈君子之宜

哉

小人道也
鄙之之辭

閭觀女貞亦可醜也

君子所見期於遠大以考斯道之全是以出門以交博觀而遠
覽而常若不足焉若乃處於門內不求遠大而竊有所見得一
自多闕觀而效女子之貞焉是亦可醜也矣

初上八至未望見
上八二畧有所見

觀我生進退未失道也

人之冒昧於進及甫進而身敗名裂者不知自審之失也若能

觀我生以審其進退則擇以自處者必得其宜而未失出處之

道矣

意重
退邊

觀國之光尙賓也

天子日月之光非卑闇疎逖者所及見也六四得以觀國之光

則以尙而得賓禮於王故也

備上同此喜四之得以上賓
非美五之能賓其臣下也

觀我生觀民也

居尊位者爲天下所仰觀爲風化所從出故一身之得失卽天下之得失天下之得失皆由己一身之得失也然則所謂觀我生者豈徒曰自觀而已行見於身或有所忽而不及察驗之於民德之善否可以自反而省察焉民德未醇有一夫之不獲而陷於辜有一人之不善而麗於刑則是在己之德有未至而不足以當天下之大觀也君子可不謹哉

觀其生志未平也

上居无事之位矣然亦必觀其生者身既在上則亦下民所仰故戒懼之志未可忘也

平者放下心懷之意亦上叶賓民字韻耳

右觀卦

雷電噬嗑先王以明罰勅法

電明而雷震合之噬而合之象也故爲噬嗑先王體雷電交合之象是以因所犯之輕重與其事之大小明著其事而斷之以當用之刑罰及象以典刑而嚴勅之爲定法以便典獄者審而行之百姓亦得以觀象魏之懸以知所謹勅而不敢犯之是所以體明威交至之義也

此以審法官故曰先王體卦以明法官則曰君子明罰勅法中各兼明威二字

之意

屢校滅趾不行也

初動於惡而遂蹈於刑屢校滅趾則後此或不復行惡矣故无

咎也

不行二字又因於趾見義

噬膚滅鼻乘剛也

以六二噬膚而未免於滅鼻以所乘之剛則非二之咎也

遇毒位不當也

治獄而反遇毒者以在己非中正不當位也不然誰得而毒之

利艱貞吉未光也

斷獄利於艱貞而後得吉蓋不能使民无獄而徒事於斷獄是未光也况易而忽之可哉

貞厲无咎得當也

必貞厲而後可无咎蓋以斷獄言則能必以正而猶操以倚厲之心其所斷固必已得當也

何校滅耳聰不明也

人之爲惡者苟能審聽人言則或不至於罪大惡極矣乃至於何校滅耳者是由其聰之不明故當滅耳也

滅耳者極其足而巳未夏五刑者也

滅耳則刑

與剕同條也

右噬嗑卦

山下有火賁君子以明庶政无敢折獄

山下有火草木生色賁也然而火在山下明不及遠亦僅在於
山而已君子體山下有火之象故於明之所可及則明之如庶
政之小者是也明之所不能及則俟之如折獄之大民命所關
已未能明燭其隱情則无敢輕折也

非不折也不
敢輕折耳

明之者離之

明无敢者艮之止也

舍車而徒義弗乘也

君子於富貴貧賤一以義耳寧必舍車

然舍車而徒者義所弗
乘則舍之而不乘故也

賁其須與上興也

六二爲賁其須者以三之剛在上而二則從上以動也

與上興者

永貞之吉終莫之陵也

三既賁如潛如則所患者反以失其剛正耳能永貞則吉以雖處柔間而資其賁而陰柔之習亦終莫之陵犯也

六四當位疑也匪寇婚媾終无尤也

四近三而違初則所當之位爲可疑也

四本疑位而剛柔相賁初之違不若三之近然

計之私終不若廉之正此所以疑也

然匪寇婚媾則吾待吾之正應其亦可終无

尤也

初三四皆得正也

六五之吉有喜也

六五以莢莢致吝矣而曰終吉者儉則可常无傷財害民之失而真意已將是有喜也

白賁无咎上得志也

文飾之過殊非本情勞力傷財卽趨尙於文者心亦未嘗不厭苦之故上九白賁无咎正上之得以自行其志也

聖人之不飾文如此

右賁卦

山附於地剝上以厚下安宅

山附於地剝山以厚地故其卦名剝然山非地无所附也則地

厚而山乃可安矣君子體剝之象故常薄於己以厚其下正所

以自安其宅而无驚崩傾覆之患也

此剝者一好象不
關下剝上之義

剝牀以足以滅下也

陰之剝陽自下而始剝牀以足以言其滅正於下也

剝牀以辨未有與也

二剝牀以辨勢益進矣然猶未有與勢未大盛君子或可早圖

也

尙爲陽幸之辭
然實戒辭也

剝之无咎失上下也

剝之而无咎者非剝牀也自剝其上下之陰也失上下衆之咎

矣而三則何咎也

剝牀以膚切近災也

剝牀而及於膚其災禍已切近无可避也慎之於始當不至是以宮人寵終无尤也

有陽卽有陰陰亦何尤陰而剝陽則其尤矣若以宮人寵則承事乎陽陰之順德固然是以終无尤也

君子得輿民所載也小人剝廬終不可用也

亂極思治君子得輿君子爲民心之所共戴也若小人而謀剝

君子則是自剝其廬其道終不可用也

言必不可行也

右剝卦

雷在地中復先王以至日閉關商旅不行后不省方

雷在地中陽氣已復

雷便是陽氣

但其動甚微順時固藏以待時而

發耳先王知陽氣之復甚微而不可不安靜以養之也是以於
冬至之日則閉關不啟商旅皆不復行后亦不復省方面一於
安靜使陽氣之伏藏愈固則生意之發愈昌亦先王變理之宜
順時之道也

不遠之復以脩身也

人身之不脩以不善而不自知雖知之而不能改過耳不遠之

復蓋以其有剛明之質而常存恐懼脩省之心以脩身而不怠也
休復之吉以下仁也

初九乘天地之心仁者也六二得休復之吉者以其柔順中正
能自下於仁人故也

下者心之下之也

頻復之厲義无咎也

頻失而頻復厲矣然以其知厲故尙能頻復而於義可无咎也

中行獨復以從道也

棄惡以從善天之道也六四中行獨復獨以引援善類爲心是

能從天之道

道字與仁字不同仁字指初言道字泛以天
道言此爻與六五爻之說俱與俗解大異

敦復无悔中以自考也

六五敦復而得无悔本於柔中之德以自成其撥亂興治之志

也

四爻本義引剝之六三爲例上爻爻辭以行師大敗爲貴則此爻本義又特表和尊二字可見復字當以世亂復治爲說

不似內三爻以一人自修言矣鄭建

安謂六五之賢美於二四其說大非

迷復之凶反君道也

居上則君也君以治天下爲道乃昏迷而不知所復以至於凶

亂如此是其於君道正相反也

非爲得君道可知

右復卦

天下雷行物與无妄先王以茂對時育萬物

陽氣之動於雷發之則生理之行施亦於雷之動敷之故天下
雷行震動發生則萬物各正其性命是天於萬物物物而與之
以无妄矣故卦名无妄先王法天之道是川大順乎天而配天
之時以長育萬物

茂德思同盛大之意
對稱配也答也

如作訛成易因其序燥溼

高下別其宜撙節變養遂其生蒐苗獮狩除其害皆所以因物

付物以盡其性而全其无妄之天也

无妄之往得志也

人性之初非有妄也率是无妄之正以往无入而不自得其志

矣

得志所
謂吉也

不耕穫未富也

不耕以求穫所以利有攸往者以其未嘗有求富之心也

一轉念耳

則動求富之心而攸往或有不和矣

行人得牛邑人災也

所繫之牛既爲行人所得則邑人雖无妄而災或无可辭也

可貞无咎固有之也

四之无妄雖未盡正而可守以爲正者勉之以固守其无私之

天耳

无妄之藥不可試也

既无妄災而藥之藥之即其妄也

動於功利之私也

是以不可試也

釋

字爲戒勉之辭

君子天爵不貳修身以俟之而已况偶然之疾曷足以

動其中乎

此无妄之疾與无妄之災不同

无妄之行窮之災也

上九匪正而一於无妄以是而行於窮極之地斯所以有災也

右无妄卦

天在山中大畜君子以多識前言往行以畜其德

天體至大而在山之中以山畜天是大畜也人之一心无不可

畜亦猶是矣君子體大畜之象是以加博聞強識之功

強即字義音志

以多識前言往行

經文識字只當知字讀蓋識者真知之謂既知其言行之所當然又知其言行之所以然

方是有得此中有窮理之功在者徒記之而已則未必能真有所得也

以畜聚吾心之德焉

畜止也

止則聚矣畜之者今日格一物明日又格一物以止而聚之在一處也前言往行敬之只是前人之言行與己无與窮其理而畜聚在一處由其所當然而貫通其所以然則前人之言行皆吾心所得之心德矣 弘於天而德裕乃身矣

有腐利己不犯災也

勢不可行而行則危而有災故知其有厲則利於己乃可以不犯災也

輿說輟中无尤也

九二之與說賴以其剛而得中故能自止而不行而无妄進之
尤也

利有攸往上合志也

三之利有攸往以三與上皆剛德而志在有行故合志而不相
畜也

六四元吉有喜也

禁惡於已發則難而兩傷善止於未形則易而不覺六四之大
善而吉是則誠有喜也

六五之吉有慶也

惡已形而治之有方六五之吉亦天下之慶也

四臣位故止曰有喜六五能止

惡則福在天下

矣故曰有慶

何天之衢道大行也

上九何天之衢幼學壯行无所不達此喜其道之大行也

右大畜卦

山下有雷頤君子以慎言語節飲食

天地之陽所以長養萬物者山下有雷陽氣所發山上之物无不得所養焉故其卦爲頤君子體頤養之義以爲言語自頤而出而言之不慎言行不顧非所以養德多言傷氣亦非所以養

身也故言語則必慎之飲食自頤而入而食之无節飢飽失宜
非所以養身口腹是求亦非所以養德也故飲食則必節之慎
之如震之惕節之如艮之止而德與身皆得其養矣是君子所
以體頤之象也

觀我朵頤亦不足貴也

初之剛正本足貴者乃見欲而動觀我朵頤則是亦不足貴矣

我欲以指四言望見

六四兩朵其頤也

六二征凶行失類也

六二藉人以養常也然於邱頤則征凶以行之所求者失其類

也失類雖无初上言然動體上行則指上言之意爲多

十年勿用道大悖也

六三之十年勿用者非若二之不得所養也自以動不中正大

悖其所養之道也

此解貞悔二字有據時解忽之

顛頤之吉上施光也

顛頤而得吉者以能得賢以養民則賢之能養即己之能養不

自用而用人上之所施誠有光也

居貞之吉順以從上也

六五非正也而言居貞之吉者謂其順以聽從於上九則不自

用而用賢是亦其正也

由頤頤吉大有慶也

由頤頤吉一人之屬而實天下之福是大有福慶也

右頤卦

澤滅木大過君子以獨立不懼遯世无悶

上兌下巽兌澤巽木澤木有以養木而高過於木是澤反滅木
矣故卦名大過君子謂事非可過而制行則不妨有以過人是
以舉世雖獨而已獨濟獨立而不懼也舉世莫我知而已有自
得遯世而无悶也是則大過人之行也

有澤雖滅木而
木不自失之意

藉用白茅柔在下也

敬慎之至如藉用白茅焉以柔而在下故能敬慎如此也

老夫女妻過以相與也

老夫而得女妻謂剛之過而得柔以相與有可濟也

棟撓之凶不可以有輔也

質之剛者或可以柔輔之猶可无敗若九三之棟撓而致凶者則以其一於自用其剛人言皆所不聽不可以有輔故致凶也棟隆之吉不撓乎下也

四得棟隆之吉者以剛而不過則不致撓折而下也

枯楊生華何可久也老婦士夫亦可醜也

以枯楊而生華益速之枯耳何可久也以老婦而得其士夫徒合而不足有爲亦可醜也

過涉之凶不可咎也

以恃才僨事而取凶而有咎以才不足而忠事以致過涉之凶此時爲之耳凶非罪也不可咎也

右大過卦

水流至習坎君子以常德行習教事

水流岸中海疊相仍而至是重坎之象也故曰習坎君子體重

坎之象以爲己之德行非常爲習熟則行之有不安教人之事非日使之習熟則人一无以安之故必常其德行而爲之不服習於教事而誨人不倦所以法水之游至也

習坎入坎矢道凶也

習坎而又入坎寤者柔而不正失所以處險之道故凶也

求小得未出中也

求止於小得以時固未能出乎險中也

來之坎坎終无功也

來往坎坎而以柔不中正處之終无出險之功故勿用也

樽酒簋二剛柔際也

四以樽酒簋之薄而可通於君者以方在險中剛柔之交際自可无事繁文也

坎不盈中未大也

人君而有剛中之德宜於无險不夷然而坎猶不盈則中德之光亦猶未大以有孚心亨者從容處之而已

上六失道凶三歲也

重險之上以陽剛處之乃有可出之道上六陰柔則失其所以出險之道而徒爲囚繫不安耳此所以凶三歲也

右坎卦

明兩作離大人以繼明照於四方

離象爲日日非有兩而卦則重離是如今日之明既作而明日

之明又作

作謂日出也

爲明兩作而相麗不斷爲重離也大人

兼德位言

體重離之象用以既自明明德矣而必維續其明之之功使之
日新又新无毫髮之間斷則德之明於己者不息而光自照於
四方民无不新天下化成矣所以法明之兩作也

履錯之敬以辟咎也

履錯然咎之招也於履之初而敬之乃所以辟妄動之咎也

黃離元吉得中道也

二之黃離元吉者以其所麗得中正之道也

中字包正字

日昃之離何可久也

所離者日之昃矣則何可久也而猶以躁進爲心可乎
突如其來如无所容也

人之處事宜於敬慎從容四方後明之始而逆突如其來如是
以无所容而徒自爲焚死棄也

初正故敬之无咎而四不正則无所容矣

六五之吉離王公也

六五之憂懼而得吉者正以其柔中而麗於王公之吉也

其能憂懼

亦正以其

柔中之故

王用出征以正邦也

離以柔麗中正而王用出征者邦有不正乃征以正之則綏然
順於理而麗乎中正之義也

右離卦

後學李承超重訂

後學李啟泮

李振秀

余龍光

余麗元

李際唐校正

後學李振瑋

潘鴻儀校錄

易經如話卷之五終